



**Sud Bosne i Hercegovine**  
**Суд Босне и Херцеговине**

**Broj: S1 1 K 011667 12 Kvl**  
**Sarajevo, 10.12.2012. godine**

**U IME BOSNE I HERCEGOVINE!**

Sud Bosne i Hercegovine, u vijeću sastavljenom od sudije Zorana Božića, kao predsjednika vijeća, te sudija Enide Hadžiomerović i Mire Smajlović kao članova vijeća, uz sudjelovanje pravnog savjetnika Sanide Vahida-Ramić u svojstvu zapisničara, u krivičnom predmetu protiv osuđenog Idhana Sipića, odlučujući po zahtjevu osuđenog od 8.11.2012. godine za nepravo ponavljanje postupka i izricanje jednstvene kazne, postupajući u smislu odredbi člana 324.a. Zakona o krivičnom postupku Bosne i Hercegovine (ZKP BiH) u vezi sa članom 53. stav 2. tačka b) Krivičnog zakona Bosne i Hercegovine(KZ BiH), nakon sjednice vijeća održane dana 10.12.2012. godine donosi:

**P R E S U D U**

**Preinačavaju se pravosnažne presude u dijelu odluke o kazni i to:**

- 1. Presuda Suda Bosne i Hercegovine broj: X-KR-07/457 od 22.02.2008. godine,** kojom je tada optuženi Idhan Sipić osuđen na kaznu zatvora u trajanju od 8 (osam) godina,
- 2. Presuda Općinskog suda Cazin broj: 020-0-K-07-000256 od 11.03.2009. godine,** kojom je tada optuženom Idhanu Sipiću izrečena novčana kazna u iznosu od 200,00KM, a koja je rješenjem istog suda broj 020-0-K-07-00-0256 od 31.3.2009. godine, zamijenjena u kaznu zatvora u trajanju od 4 (četiri) dana,
- 3. Presuda Općinskog suda u Livnu broj: 68 0 K 020532 11 K od 10.04.2012. godine,** kojom je tada optuženi Idhan Sipić osuđen na kaznu zatvora u trajanju od 3(tri) mjeseca.

Tako da se kazne izrečene ovim pravosnažnim presudama uzimaju kao utvrđene, pa se temeljem odredbe člana 53. stav 2. KZ BiH, u vezi sa članom 324 a) ZKP BiH

**IDHAN SIPIĆ** sin Saliha i majke Ismete rođ. Halilić, rođen 09.04.1967. godine u Banja Luci, nastanjen u ul. ...., općina ....., završena osnovna škola, nezaposlen, neoženjen, po nacionalnosti ....., državljanin ....., JMBG .....

**OSUĐUJE**  
**NA JEDINSTVENU KAZNU ZATVORA U TRAJANJU OD**

**8 (osam) godina i 2 (dva) mjeseca**

Na osnovu odredbi člana 56. KZ BiH, osuđenom Idhanu Sipiću će se u izrečenu jedinstvenu kaznu zatvora uračunati vrijeme koje je proveo u pritvoru i na izdržavanju izrečene kazne zatvora po presudi ovog suda broj X-KR-07/457 od 22.2.2008. godine, i to počev od 26.10.2007. godine.

U preostalom dijelu navedene presude ostaju neizmijenjene.

**O b r a z l o ž e n j e**

Dana 8.11.2012. godine, Sud je zaprimio podnesak osuđenog Idhana Sipića, kojim se traži izricanje jedinstvene kazne, u odnosu na pojedinačne kazne izrečene pravosnažnim presudama Suda BiH, Općinskog suda u Livnu i Općinskog suda Cazin.

Presudom Suda Bosne i Hercegovine broj: X-KR-07/457 od 22.02.2008. godine, tada optuženi Idhan Sipić je osuđen na kaznu zatvora u trajanju od 8 (osam) godina, zbog počinjenja krivičnog djela ratni zločin protiv civilnog stanovništva iz člana 173. stav 1. tačka c) Krivičnog zakona Bosne i Hercegovine u vezi sa članom 180. stav 1. istog Zakona.

Nakon što se Sud obratio dopisom Općinskom sudu u Livnu, dostavljena je i presuda broj: 68 0 K 020532 11 K od 10.4.2012. godine, kojom je tada optuženi Idhan Sipić osuđen na kaznu zatvora u trajanju od 3(tri) mjeseca, zbog počinjenja krivičnog djela teške krađe iz člana 287. stav 1. tačka a) u vezi sa članom 31. KZ F BiH.

Sud se dopisom obratio i Općinskom sudu Cazin, tražeći da se dostavi presuda broj: 020-0-K-07-000256 od 11.03.2009. godine, kojom je tada optuženom Idhanu Sipiću izrečena novčana kazna u iznosu od 200,00KM, zbog počinjenja krivičnog djela krađe iz člana 286. stav 2. u vezi sa stavom 1. KZ F BiH, koja je rješenjem Općinskog suda u Cazinu broj 020-0-K-07-00-0256 od 31.3.2009. godine, zamijenjena kaznom zatvora u trajanju od 4 (četiri) dana.

Općinski Sud u Cazinu je dana 22.11.2012. godine, usmeno obavijestio Sud da se predsjednik Općinskog suda pismeno obratio arhivi Unsko sanskog kantona, za dostavu tražene presude, pa je ista proslijeđena Sudu BiH dana 7.12.2012. godine.

*Odredbom člana 324a. ZKP BiH - Nepravo ponavljanje krivičnog postupka propisano je da se (1) Pravomoćna presuda može preinačiti i bez ponavljanja krivičnog postupka ako je u dvjema presudama ili u više presuda protiv istog osuđenog pravosnažno izrečeno više kazni, a nisu primjerljive odredbe o odmrjavaruju jedinstvene kazne za djela u sticaju. (2) U slučaju iz stava (1) ovog člana Sud će ovom presudom preinačiti ranije presude u pogledu odluka o kazni i izreći jedinstvenu kaznu. Za donošenje nove presude nadležan je prvostepeni sud kcji je sudio u stvari u kcjcj je izrečena najstrožja vrsta kazne, a kod istovrsnih kazni - sud kcji je izrekao najveću kaznu, a ako su kazne jednake - sud kcji je posjedrji izrekao kaznu. (3) Novu presudu donosi Sud u sjednici vijeća na prijedlog tužioca ili osuđenog, odnosno branioca, a po saslušanju protivne stranke. (4) Ako su u slučaju iz stava (1) ovog člana prilikom izricanja kazne uzete u obzir i presude drugih sudova, ovjereni prijepis nove pravosnažne presude bit će dostavljen i tim sudovima.*

Obzirom da stav 3. citiranog člana predviđa donošenja odluke u sjednici vijeća, po saslušanju protivne strane, Sud je navedeni prijedlog prosljedilo Tužilaštvu na izjašnjenje, nakon čega je isto dopisom od 12.11.2012. godine, obavijestilo Sud da navedeno pitanje ostavlja na diskrecionu ocjenu Sudu.

Vijeće je u vezi sa zahtjevom osuđenog izvršilo uvid u navedeni predmet ovog Suda i predmetne presude Općinskog suda u Livnu i Cazinu, u odnosu na koje se traži nepravo ponavljanje krivičnog postupka, te je utvrdilo da su navedene presude pravosnažne i da nema zakonskih prepreka da se zahtjevu osuđenog Idhana Sipića udovolji.

Obzirom da osuđeni u svom dopisu ne obrazlaže činjenice i okolnosti na osnovu kojih predlaže izricanje jedinstvene kazne u određenom trajanju, Vijeće je rukovodeći se pravilima za izricanje jedinstvene kazne u duhu odredbe člana 53. stav 2. ZKP BiH, osuđenom Idhanu Sipiću izreklo jedinstvenu kaznu zatvora u trajanju od 8 (osam) godina i 2 (dva) mjeseca cijeneći sve olakšavajuće i otežavajuće okolnosti koje su i ranije uzeli u obzir sudovi u svojim odlukama, našavši da će se ovom izrečenom jedinstvenom kaznom ostvariti svrha kažnjavanja predviđena odredbama člana 39. KZBIH.

Sud je odlučio i da se osuđenom licu u izrečenu jedinstvenu kaznu zatvora ima uračunati vrijeme provedeno u pritvoru i na izdržavanju kazne zatvora po presudi ovog

suda broj X-KR-07/457 od 22.2.2008. godine, i to počev od 26.10.2007. godine pa nadalje.

**ZAPISNIČAR**

Pravni savjetnik  
**Sanida Vahida-Ramić**

**PREDSJEDNIK VIJEĆA**

**SUDIJA**  
**Zoran Božić**

**PRAVNA POUKA:** Protiv ove presude dozvoljena je žalba vijeću Apelacionog odjeljenja ovog suda u roku od 15 (petnaest) dana od dana prijema pismenog otpravka presude.